

山東通志藝文志訂補

3

史部 第二冊

徐泳 著

山東人民出版社

中華人民共和國教育部人文社會科學重點研究基地
山東師範大學山東省齊魯文化研究院重點立項項目

山東通志藝文志訂補

徐泳 著

3

史部 第二冊

山東人民出版社

山東通志藝文志訂補卷七

山東通志卷一百三十三

蘭山徐泳撰

地理

【禁扁五卷】

五九四九

王士點撰。士點字繼志，東平人，官淮西廉訪司僉事。是書文淵閣著錄。《四庫提要》曰：「凡爲目百一十有六，篇一十有五，釐爲甲、乙、丙、丁、戊五卷。考何晏《景福殿賦》云：『爰有禁楹，勒分翼張。』注引《說文》：『扁從戶冊者，署門戶也。』扁與楹同。」此書詳載歷代宮殿、門觀、池館、苑籓等名，故取義於此。卷首有歐陽元至順庚午序、虞集至順癸酉序，皆以詳贍推之。其中如釋東西箱以西清附之，蓋本前漢司馬相如傳注，謂西清即西箱也。而其釋東、西序則與東、西箱別爲一類，不知《景福殿賦》「西箱踟躕以開晏，東序重深而秘奧」注「西箱，西序也；東序，東箱也」本屬互文，而析爲兩地，則於宮室之制殊未能詳考。又如釋秦雲陽宮一名林光，一名甘泉。考程大昌《雍錄》，漢之甘泉在渭北之雲陽，秦之甘泉在渭南之鄠縣。謂秦甘泉一名雲陽，殊誤。又孟康《郊祀志》注：「漢甘泉一名林光。」師古謂漢於秦林光宮旁別起甘泉宮。謂漢甘泉一名林光，亦非。則於地理之學，亦不免偶疏。至於秦祈年宮，《三輔黃圖》以爲穆公作，此書獨本《漢書》及《水經注》之說，以爲作於惠公，似非無見。又若曲臺宮之類，兼採《雍錄》以補《黃圖》之所遺，頗可藉以參考。末附《名釋》一篇，訓詁亦極典核。雖時有疏密，要於史學不爲無補矣。」

〔訂補〕「卷首有歐陽元至順庚午序」，「元」本字作「玄」。是書現存：①明抄本，上圖藏，見《善目》。②清康熙四十五年曹寅揚州詩局刻《棟亭藏書十二種》本，中科院、北大、上圖等藏，見《叢綜》。③清抄本，國圖藏，見《善目》。④舊鈔本（佚名跋：丁卯之春借鈔於朱簡討竹垞，時同寓於京師海波寺街之古藤書屋），臺圖藏，見《國善志》。⑤《四庫全書》本。

▲（二元）

【九州記】

五九五〇

樂資撰。資有《春秋後傳》，見別史類。《隋志攷證》云：「《水經·沔水》注『鹽官縣有秦延山，秦始皇逕此，美人死，葬於山上，下有美人廟。』此引樂資《九州志》。《江水》注『鄂，今武昌也』，原注：《史記·外戚世家》集解同引。稱《九州記》。《太平御覽》、《寰宇記》多引《九州要記》。」

【補九州要記一卷】

五九五—

樂資撰；清王謨輯。現存：清嘉慶中金谿王氏刻《漢唐地理書鈔》本，國圖藏，《北善》、《善目》著錄。

【補九州記一卷】

五九五二

樂資撰；清王仁俊輯。現存：《玉函山房輯佚書補編》稿本，上圖藏，見《叢綜》；《續修四庫全書》影印。

▲（晉）

【地記二百五十二卷】

五九五三

任昉撰。昉有《雜傳》，見傳記類。是書見《梁書》本傳。隋、唐《志》卷同。《隋志》注云：「梁任昉增陸澄之書八十四家，以爲此記。其所增舊書，亦多零失。見存別部行者，唯十二家，今列之於上。」《隋志攷證》云：「今《志》所列，自《三輔》故事已下，原注：《湘州記》、《吳郡記》、《日南傳》、《江記》、《漢水記》、《居名山志》、《西征記》、《廬山南陵雲精舍記》、《永初山川古今記》、《元康三年地記》、《并帖省置諸郡舊事》、《司州記》。共十三家，《志》增一家。」

【地理書鈔九卷】

五九五四

任昉撰。見《隋志》。

〔訂補〕現存：《重訂漢唐地理書鈔》本（清王謨輯），見《叢綜》。

▲（以上梁）

【方域圖】

呂才撰。才有《隋紀》，見編年類。是書見《唐書》本傳。

五九五五

【十道志十六卷】

五九五六

梁載言撰。載言有《梁四公記》，見傳記類。是書見《唐書》劉憲傳。《唐志》卷同。《玉海》引《中興書目》云：「唐太府少卿梁載言《十道四蕃志》十卷，以十道爲本，而以州、縣圖志附列其下。」《讀書志》作十三卷，云：「所載頗詳博。其書多稱咸通中沿革，載言蓋唐末人也。」

【補】十道志二卷

五九五七

梁載言撰；清王謨輯。現存：①《重訂漢唐地理書鈔》鈔本，上圖藏，見《叢綜》。②清嘉慶金谿王氏刻本《重訂漢唐地理書鈔》本，北大、上圖等藏，見《叢綜》。

【補】十道志佚文一卷

五九五八

梁載言撰；清王仁俊輯。現存：《經籍佚文》稿本，上圖藏，見《叢綜》、《善目》；《續修四庫全書》影印。

【補】石柱記四卷

五九五九

顏真卿撰；清鄭元慶箋注。有漢南葉氏鈔本（一冊），見《嘉業堂鈔校本目錄》。

【補】石柱記箋釋五卷

五九六〇

顏真卿撰；清朱彝尊補，鄭元慶箋釋。現存：清康熙四十一年鄭氏魚計亭刻本，見《山西師大善》。

▲（以上唐）

【禹別九州賦三卷】

五九六一

趙鄰幾撰。鄰幾有《會昌以來日曆》，見編年類。是書《宋志》入集部，茲依顧懷三《補五代史藝文志》入地理類。

【九域圖三卷】

五九六二

王曾撰。曾有《契丹志》，見載記類。是編見《宋志》。

▲(以上宋)

【九州志】

五九六三

蕭鄭撰。鄭有《三禮說》，見經部禮類。是書見《元史》本傳。

〔訂補〕《三禮說》條作蕭軒。

補【元朝一統志】

五九六四

孔淑等撰。淑有《闕里世系》，已著錄。是編見《曲阜縣志》、《孔著考》。《孔子世家譜》云：「五十三代淑，秘書省著作佐郎，著《元志》，陞秘書郎。」所謂《元志》，蓋即此書。

▲(元)

【縮地歌一卷】

五九六五

孔貞瑄撰。貞瑄有《大學正文約註》，見經部四書類。是編有刊本。自作《小引》略云：「《豫楚黔滇行程記》既成編，復作《縮地歌》，約各省郡邑，間摘名勝，叶以韻語，若里諺村謠然，使童穉輩可誦而知之。夫畫家雖顧、陸復出，使繪輿圖，必不能工，粗存城郭、山川之略爾。今亦止寫意白描，竊附于向平之末願，非敢謂果有資於游觀，與《步天歌》屬對也。」據本書。

〔訂補〕現存：清刻本，民族宮藏。

【九土分野】

五九六六

張朝衡撰。朝衡字仲平，武定人，順治間歲貢，歷官甯州知州。是書見《惠民志》。

補【九邊形勝阨塞要害】

五九六七

顏懋僑輯。懋僑有《浙中日記》，見傳記類。是編見《曲阜清儒著述記》、《孔著考》。《著述記》云：「未脫稿，卒。」

【補】十三省形勝摘要

五九六八

顏懋僑輯。《孔著考》云：「是書據顏懋全《幼客先生行狀》著錄。《行狀》稱「其《十三省形勝摘要》則兄垂歿時所編錄，祇成山西、貴州二卷，竟未得卒業。」」

【方輿考證一百二十卷】

五九六九

許鴻磐撰。鴻磐見經部書類。《州志》載是書云：「總部六卷，以下分省。」李福泰《六觀樓文集拾遺序》云：

「先生嘗謂顧氏《方輿紀要》尚據《涑水》、《通鑑》，而於遷、固以下諸史多未之及，金、元事蹟尤略而不詳，乃著《方輿考證》一書。凡顧氏有所舛漏，一一辨而正之。所重在沿革、形勢、山川、險要、古蹟，而不及名勝。所詳在兵機、河防、海防、屯政、水利，而不取詞章。殆以經濟之學，成有用之書，此先生識力之遠，所以異乎俗儒之爲之也。年七十餘致仕歸，書成十之七八，獨山東一省未備。同里孝廉李君相廷師事先生，供其筆札，又數年而其書始完。蓋先生畢生之精力萃於是矣。先生無子，歿後，孝廉藏其稟，視若拱璧，不輕以示人。及予館部郎汪孟慈家，而楊志堂先生爲開歸道，聞先生是書，謀集貲爲之付梓。甫刻目錄數卷，孟慈、志堂先後改官歸去，予亦計偕入都，遂不果刻。同治戊辰，予乞假旋里，訪之里人，知書稿仍藏李氏。孝廉雖亡，其子能世守之。」聞書稿後歸陽湖朱氏，所刊目錄板尚存楊氏海源閣。

〔訂補〕現存：

①稿本（九十一卷），西南師大藏，見《四川高校聯目》、《善目稿》。②民國七至二十二年濟寧潘復華鑑閣北平刻本（一百卷首一卷），遼圖、大連圖等藏，《北普》、《販記》著錄；一九八六年天津古籍出版社掃描油印，國圖、東北師大等藏，《北普》、《東北目》著錄。

【補】方輿叢錄不分卷

五九七〇

許鴻磐撰。現存：稿本，山東博藏，《善目稿》著錄；《山東文獻集成》影印。

【補】中國簡明地圖

五九七一

許鴻磐繪。《續提要》著錄原稿本（一幅），提要云：「是圖成於道光間，自題爲李拙齊而作，蓋本自內府地圖，以

其舊作一十六分之開方圖縮製而成者。其圖雖有畫方，而不注明里夷，以設色彩繪。東至於海，西至哈薩克，北至尼布楚，南至瓊島。繪製雖簡，然於山脈之磅礴，大川之流行，邊圖之形勢，封土之犬牙，與夫州廳之星羅棋布，皆一覽而知，且兼錄古地名以資對照。圖之左下角下有論山脈、河源、江源、黑龍江、盤江諸條，蓋節錄其所著《方輿考證》者，亦方輿家提綱絜領之義也。圖末有許氏自跋，及柯邵忞題識。柯氏推崇其圖，爲清末言輿地學者之希有作品，與所著《方輿考證》可互相參攷云。」

《濟寧直隸州續志·藝文》作《簡明地圖》。

【補】輿地圖考備考二十四卷

夏中言撰。中言有《易徵》，見經部易類補目。是書見民國《壽光縣志·撰述目錄》。

五九七二

【補】讀史方輿紀要節鈔不分卷

杜燾輯。燾有《龍門綱鑑紀年圖》，見別史類。是編現存：清稿本（三冊），見《科圖善》。

五九七三

【皇朝廣輿記】

李德林撰。德林有《定額記事》，見傳記類。《州志·藝文》載是書，無首二字。今依《州志》本傳標目。

五九七四

【讀史附錄疆域編二卷】

林慶貽撰。慶貽見史鈔類。是書見《縣志》。

五九七五

【地輿總圖二卷】

張是第撰。是第字杏園，萊陽人，諸生。是書見《採訪冊》。

五九七六

【地球辨說】【地輿考】【郡邑地理沿革】【地輿臥遊圖】

房甲山撰。甲山有《孔子年表》，見傳記類。諸編見《鄉土志》。

五九七七

【補】地理圖【天地合圖】

于長吉撰。長吉有《易經集解》，見經部易類補目。二編見民國《臨清縣志》本傳。

五九七八

【補】天下地理考

五九七九

張渡瀛撰。渡瀛有《歷代帝王世系考》，見別史類補目。《重修新城縣志》本傳云，有是書待梓。

【補】萬國地理學講義

五九八〇

張梅亭撰。梅亭有《中庸札記》，見經部四書類補目。是編見《續修萊蕪縣志·著述》。

【補】二十二省地理誌要四卷

五九八一

張依渠撰。依渠有《愚山堂四書旨要》，見經部四書類補目。是書見民國《濟陽縣志》本傳。

【補】古今輿圖

五九八二

盧雲升撰。雲升有《綱鑑輯要》，見史鈔類。《昌邑縣續志》本傳云：「所繪《古今輿圖》，考徵詳贍，刊行於世。」

【補】廣輿圖

五九八三

趙鏞撰。鏞有《儀禮集解》，見經部禮類補目。是編見《三續淄川縣志》。

【補】地輿酌準

五九八四

趙君詔撰。君詔，長清人。民國《長清縣志·邑人著述》載是書及自序略云：「余自光緒乙巳科場停後，舍帖括而事考據，將以縱五千年、橫十萬里之餘澤，澆此壘塊於胸中。乃流覽之餘，往往憶其一二，遺其八九。撫衷自思，甚無謂也。讀《中庸》『行遠自邇』、『登高自卑』句，憬然有悟：欲知古人實跡，當考古人里居，如交友然，凡屬莫逆，必知心焉，竊計曰：某在斯，某在斯，而後日相思勿相忘也。但滄桑疊經，建置屢易，有異地而同名者，有異名而同地者，有古無今有，古有今無者，又中間互有異同而今仍復古者。溯自水土既平，而封建，而兼併，而藩鎮科道，其間雖錯雜紛紜，無從說起，然要不出乎今時之一千七百餘州縣，即不出乎今時之二十三行省。由此入手，微特通都大邑，共入心目，前賢往哲，可通神明；即有時代古人立言，自能設身處地，確有鑿鑿，如出古人之口。汲古修綆，其在斯乎？爰求圖籍，羅列案頭，尚友古人，若遠若近，心嚮往之，走筆而書之。如是者凡六年，不覺積久成帙。非以此詡博通也，惟習運覽之勤，冀免飽食之慚云爾。」

【補】輿地圖說三十卷

李景星撰。景星有《易經劄記》，已補著。是編見《杞瞻草堂經說》莊復恩後序。

五九八五

【補】山東江南浙江福建四省沿海圖

佚名繪。現存：清彩繪絹本，見《兵書目》、《邊疆圖籍錄》、《山東目》。

五九八六

▲（以上清）

【吳郡地理記】

王僧虔撰。僧虔，琅邪臨沂人，仕宋官至尚書令，入齊復官侍中、丹陽尹，卒贈司空，諡簡穆。《隋志攷證》云：

五九八七

「《太平御覽·逸民部》：王僧虔《吳郡地理記》曰：『處士陸著，漢桓靈間州府交辟不就，臨卒，誡諸子弟云：勿苟仕濁世。子弟遵訓，終身不仕，並有盛名。』」

▲（南齊）

【邠志三卷】

路隋撰。隋見編年類。是書見《宋志》。

五九八八

▲（唐）

【嚴州圖經八卷】

董弅撰。弅有《誕聖錄》，見雜史類。是書《宋志》題此名。《養新錄》云：「《嚴州圖經》，予所見者淳熙重刻本僅

五九八九

存首三卷，前有紹興己未正月知軍州事董弅序，及淳熙丙午正月州學教授劉文富序。文富蓋承郡守陳公亮之命訂正

是書者也。卷首載建隆元年太宗皇帝初領防禦使詔，宣和三年太上皇帝初授節度使制，及勅書、榜文二道。蓋洎熙丙午之歲，高帝尚在德壽宮，故有太上之稱。攷董弁初勅此志，本題《嚴州圖經》，陳公亮重修亦仍其名，而王氏《輿地紀勝》、陳氏《直齋書錄》、馬氏《文獻通考》皆作《新定志》。蓋宋人州志多用郡名標題，續志載書籍，亦但有「新定志」，初無「圖經」之目，名目雖異，實非有兩本也。」朱緒曾《讀書志》云：「冠以太宗初領防禦使詔，太上皇帝初授節度使制；次子城圖，建德府內外城圖，府境總圖，建德、淳安、桐廬、遂安、壽昌、分水各縣境圖，以嚴州及六縣分卷，各列子目。其體例與《寶慶四明志》同。今惟嚴州、建德、淳安三卷存。」

〔訂補〕現存：①清鈔本，國圖藏。②清光緒二十二年刻《浙西村舍彙刊》本，國圖、南圖、吉大等藏，《方志聯目》、《方志提要》著錄；《宋元方志叢刊》影印。《靜嘉堂秘籍志》卷五著錄宋刊殘本（存一至三卷，四冊），《儀顧堂集》有跋。

【補】萊蕪縣志

五九九〇

鍾離脩纂。離脩，東阿人，宣和間任萊蕪縣尉。此為萊蕪首部方志。張梅亭《萊蕪縣志·例言》曰：「萊志始於宋尉鍾離脩，其書不傳。」

【補】赤城續志八卷

五九九一

林表民撰。表民有《赤城集》，見集部別集類。是志見《兩浙著述考》、《孔著考》。

【補】赤城三志四卷

五九九二

林表民撰。見《直齋書錄解題》、《兩浙著述考》、《孔著考》。

▲（以上宋）

【汲郡志十五卷】

五九九三

王惲撰。惲見編年類。是書見《元史》本傳。

【齊乘六卷】

五九九四

于欽撰。欽字思容，益都人，歷官兵部侍郎。是書文淵閣著錄。《四庫提要》曰：「是書專記三齊輿地。凡分八類：曰沿革，曰分野，曰山川，曰郡邑，曰古蹟，曰亭館，曰風土，曰人物。敘述簡核而淹貫，在元代地志之中最有古法。其中間有舛誤者，如宋建隆三年改濰州置北海軍，以昌邑縣隸之，乾德三年復陞濰州，又增昌樂隸之，均見宋《地理志》，而是書獨遺。又壽光爲古紀國，亦不詳及。其他如以華不注爲靡笄山，以臺城爲在濟南東北十三里，顧炎武《山東考古錄》皆常辨之。然欽本齊人，援據經史，考證見聞，較他地志之但據輿圖、憑空言以論斷者，所得究多，故向來推爲善本。卷首有至元五年蘇天爵序，亦推挹甚至，蓋非溢美矣。」

〔訂補〕亭館爲古跡類子目，故此書實分七類。是書專記三齊輿地。所謂三齊者，古指膠東（山東東北部）、濟北（山東中部）、齊（膠東、濟北間），元代指山東東西道宣撫司所轄益都、般陽、濟南三路。此志並附述曾屬齊地之高唐、禹城、長清、聊城、東阿、臨邑等地，基本含括除今日魯西、魯西南以外之山東大部地區。就其所記地區範圍而論，當屬通志一類，故後人視爲山東最早之省志。稿成於元惠宗至元五年。欽卒後，其子潛於至正十一年刻於兩浙官署，後有潛所撰《音釋》一卷。現存：①明嘉靖四十三年青州知府杜思刻本，國圖、上圖、南開藏，山東圖有膠卷。②舊鈔本（清黃丕烈批校並跋），臺圖藏。③清康熙間鈔本，臺圖藏。④《四庫全書》本。⑤清乾隆四十六年胡德琳登州刻本（附《釋音》一卷《考證》六卷），山東圖、山東大等藏；《山東文獻集成》影印。每卷後有周嘉猷兩廕所撰《考證》（《山東通志》作楊峒撰）。胡德琳序云：「原書中常有舛誤之處，君（即周兩廕）又爲考證若干條，附於各卷之後。乃剗方竣，忽赴修文，考證僅具草稿。余頗爲是書惜。」又周嘉猷之子慶承跋云：「草創未就，而先君子疾革，以囑門下士楊君書巖（峒）參訂卒業。」⑥清好声音書屋鈔本，北大藏。⑦清光緒三十年海虞周氏讎書樓鈔本，南圖藏。⑧清鈔本，上圖、南開藏。

【齊乘釋音一卷】

五九九五

于潛撰。潛，欽子。潛刊《齊乘》既成，因爲《釋音》一卷，以便讀者。

【太原志】

五九九六

周麟撰。麟字德照，濟甯人，景泰庚午舉人，官太原訓導。《州志》本傳云：「修太原諸屬志。《志》載神童王瓊七歲通五經，善大書，其高弟也。英宗閱志取試之，稱旨，升麟知本縣。未任卒。」

補【高唐州志六卷】

五九九七

盧瑞纂修。瑞，高唐州學正。是志纂於天順庚辰。嘉靖《州志》金江序云：「天順間學正盧瑞作前《志》，繼而州守王大化作後《志》。江求而覽焉，盧《志》略，王《志》蕪，且多漫漶不存。」

補【泰安州志十卷】

五九九八

胡瑄修，李錦纂。瑄號東墅，浙江德清人，官泰安知州。錦字尚綱，陝西涇陽人。是志始於成化二十三年，次年纂成梓行，為現存最早泰安志書。現存：明弘治元年刻本（存卷一至七），國圖藏，《善本提要補》、《山東方志聯目》著錄。前有胡瑄序及州圖四幅。卷一建置沿革、郡名、分野、疆域、里至、形勢、風俗、山川、城池、坊鎮、鄉保、津梁、郵驛、公署、學校、壇壝、祠廟、寺觀，卷二古迹、陵墓、景致、封禪，卷三祥異、封建、土產、戶口、賦貢、名宦、人物、流寓、科貢、武職、節行、仙釋，卷四制誥、祭文，卷五傳，卷六至八文，卷九卷十詩、雜志附。

補【南和縣志四卷】

五九九九

朱銳修。銳字文威，齊河人，成化十九年舉人，歷官山西代州知州。是志見《千頃堂書目》。

補【嘉祥縣志六卷】

六〇〇〇

周詔纂修。《天一閣藏明代地方志考錄》云：「明成化二十二年周詔纂修。明嘉靖補刻本。此書天一閣現存各舊目均失載，據一九三四年二月三日《大公報》上趙萬里《重整范氏天一閣藏書紀略》一文所云為天一閣原藏圖書，散出後為前上海東方圖書館收藏，一九三二年毀於「一·二八」戰役。」

【宏治湖州府志二十四卷】

六〇〇一

王珣撰。珣有《邊備奏稿》，見詔令奏議類。《四庫存目提要》曰：「是志乃宏治辛亥珣官湖州知府時所重修。初宋談鑰嘗輯《吳興志》，而文頗蕪陋。明景泰間訓導陳碩乃因談《志》續爲一編，成化甲午知府九江勞鉞又令郡人張淵補所未備，增爲二十二卷。珣以郡縣續有分析，復屬郡人汪翁儀、唐應徵、陳遠等論次增輯，列爲三十三目，分禮、樂、射、御、書、數六集。舊本因前有勞鉞序，遂題爲成化《志》，非也。」

〔訂補〕《湖州府志》二十四卷：現存：①明弘治四年刻本，浙圖、臺圖（存七卷：卷六至七、十八至二十二）藏，《存目標注》、《國善志》著錄。②清姚氏咫進齋鈔本（存十八卷：一至十三、十八至二十二），上圖藏，見《存目標注》；《四庫全書存目叢書》影印。

〔補〕寧夏新志八卷

六〇〇二

王珣修。現存：明弘治十四年刻本，天一閣藏（缺卷七），《方志聯目》著錄。王珣弘治十一年以右副都御史巡撫寧夏，於弘治十四年主修此志。

〔補〕鄒縣志

六〇〇三

劉浚修。《天一閣藏明代地方志考錄》引嘉靖《鄒縣志》孟公肇序云：「成化丁酉，掌教永嘉劉公浚纂修成書，歲月寢久，志板雕剝以盡。嘉靖乙酉夏，江西新建戴公光來署鄒事，乃屬今掌教睢陽王公憲洎分教湖湘謝公秉秀，訪求遺本而斟酌去取之。」

〔威海衛志〕

六〇〇四

王悅撰。悅有《南遊錄》，見傳記類。郭文大乾隆《志》自序云：「宏治改元，有纂修衛志之命，邑人王君悅首創一編，以備採擇。」

〔齊東縣志〕

六〇〇五

王淵撰。淵字文深，齊東人，宏治己酉舉人，官柘城知縣。是志成於正德丙子。康熙《齊東志》載邑令蕭敬諫序末云：「於閒文不敢泛收，必切於名教、裨於政治者錄之。其目四十有五，分爲六類，詳而不冗，簡而不略，此則王君之功居多。」

【宣府攷志十卷】

王崇獻撰。崇獻有《禮記擇言》，見經部禮類。是志見《傳是樓書目》。

六〇〇六

【堂邑縣志六卷】

六〇〇七

穆策撰。策號駝山，孔暉從子，諸生。劉《志》本傳云：「嘗撰《縣志》六卷，頗自矜許，屢謀刻而不能。明經許泓淵明於蠹冊中得之，幸大半存，然後相與求其軼事錄之。」又《緣起篇》云：「縣故有高士穆策撰《志》六卷，自謂準康修撰海《武功志》例而作，其所載人物亦多王《志》所略。王即不見邑談，亦當不求穆本邪？然策自云：『志凡六十紙，其目五十。』六十紙則過簡，五十目則過繁。許明經泓所求得殘編，未知是策所撰以否，而僅僅六十紙，則與其言應，顧其述人物較詳耳。至于講求因革，貫穿今古，則猶吾大夫崔子焉。」

【補】【鄴郡志】

六〇〇八

崔銑撰。銑有《讀易餘言》，見經部易類補目。是書見《續修廣饒縣志》本傳。

【補】【彰德府志八卷】

六〇〇九

崔銑輯。現存：明刻清印本，美國會藏，《善本提要》著錄。有嘉靖元年崔銑序。

【鹽山縣志】

六〇一〇

時尚儒撰。尚儒，臨清人，正德庚午舉人，官鹽山知縣。鹽山舊無志，自尚儒始。尚儒令鹽山，在嘉靖間。見《州志》。

【平度州志】

六〇一一

官一夔撰。一夔字舜鳴，平度人，正德庚午舉人，官衛輝同知。是編見《重修平度志序》。

【臨洮府志】【南陽府志】

六〇一二

楊應奎撰。應奎字文煥，又字澗谷，益都人，正德辛未進士，歷官臨洮、南陽知府。《縣志》載二編云：「臨洮、南陽舊無志，有志自應奎始。」

補【章丘縣志四卷】

六〇一三

劉欒纂。欒，章丘人，弘治丙辰（九年）進士，歷官衢州知府。是志由章丘知縣呂秉彝主修。現存：明正德八年刻本，天一閣藏，上圖有膠卷，《方志聯目》著錄。

【少陽乘二十卷】

六〇一四

李時颺撰。時颺字飛伯，益都人，諸生。是書見《明志》。《縣志》云：「此書載《齊乘》以後，辯證詳明，舊《府志》多採用之。少陽即東陽之異名，猶東海稱少海矣。」

【中都故實集斷】

六〇一五

王賢撰。賢字蜀山，汶上人，正德丙子舉人，官交城知縣。萬曆《汶上志·藝文》載是書云：「未經副本，爲南旺游水部持去。幸其稿猶散在諸藏書家。然惟郭生汶所藏本最完善，蓋得之外舅張公鳳羽者也。即間有損益失實，而可據者十之五矣。」

補【莘縣志十卷】

六〇一六

莘縣蔣梅、王室撰。梅，貢生，官青縣主簿。室，正德十一年丙子科舉人，任光山知縣，補完縣知縣，陞戶部主事。是志乃莘縣知縣王琛（字汝璧，廣西宜山人，正德七年任）及莘縣教諭吳宗器（福建莆田人）奉東昌府檄令纂修，正德十年纂成梓行。嘉靖二十七年知縣楊鵠據原版略作增補重印，爲現存最早莘縣志書。現存：明正德十年刻嘉靖二十七年增刻本，天一閣藏；《天一閣藏明代地方志選刊》影印。前有吳宗器序，志敘表，永樂十六年《纂修志書凡例》二十一條，《縣圖》。後有王琛《莘縣志後序》、楊鵠序。分建置沿革、邑名、分野、形勝、風俗、山川、疆域、城池、坊鄉、戶口、貢賦、土產、徭役、公署、廨舍、陰陽學、醫學、申明亭、旌善亭、存留倉、預備倉、兌軍水次倉馬廠、南馬場、北馬場、養濟院、急遞鋪、巡警冷鋪、牌坊、學校、兵防、壇墀、書院、宮室、關津、橋梁、寺觀、祠廟、塚墓、古迹、宦迹類、人物類、雜志、藝文，凡十卷。卷中所載永樂十六年頒發《纂修志書凡例》二十一條，係所見明代最早修志規條。正德乙亥王琛序略云：「訪尋舊誌於民間，幸獲草錄一帙，事雖訛闕，庶猶可稽。遂謀諸儒學教諭吳君宗器而脩之，又得庠生蔣梅、王室相與採補缺畧，讎校差訛，朔晦未周而是誌告成。」

【補】博平縣志八卷

六〇一七

葛茂、鄧恭纂。茂字本深，湖南岳州人，任博平教諭。恭，博平人，庠生。是志由博平知縣胡瑾（字國珍，安徽安國人，正德十年任）主修，始於正德十一年，次年纂成，為現存最早博平縣志。現存：明正德十二年刻本，國圖藏，《方志聯目》著錄。前有葛茂、胡瑾序。後有胡懋仁、杜文後序。分疆域、都鄙、田賦、政教、古蹟、人物、官守、文章八門。《天一閣藏明代地方志考錄》云：「正德十二年胡瑾、鄧恭等纂修。明正德刻本。見一八八四年舊目。散出後曾為吳興許博明所收藏（見一九三七年《考文學會雜報》第一期《方志珍本所見錄》一文），今歸北京圖書館。」

【濟甯衛志】

六〇一八

周品撰。品字嶧山，濟甯人，正德間貢生。《州志》稱其著述甚富，皆散失，惟《濟甯衛志》存。

【陽信縣志】

六〇一九

毛效直撰。效直字子溫，陽信人。乾隆《陽信志》云：「嘉靖初，邑無志，前任徐九皋延效直創修，摭古今，稽風俗，闡發幽隱，宏獎名德，成若干卷。」惜舊稿無在，以致後之修志者無由載其姓氏。今特於《家譜》中錄出，亦表微闡幽之意也。

【濰縣志】

六〇二〇

劉廷錫撰。廷錫字君榮，號塔山，濰縣人，嘉靖壬午舉人，歷官戶部郎中。是志成於萬曆癸酉。乾隆《濰縣志》載劉應節序略云：「劉公以良史才操觚，僅數月輒為成書。今披圖覽勝，千里封疆，明於指掌，一切土壤貢賦，據程按牘，毛髮灼如鏡觀。是故雖有舞文之吏，詭法之奸，無自作焉。茲不可以傳信詔來，與邦國史並傳而無敝哉。」

〔訂補〕是志十卷。現存：①明萬曆二年刻本，國圖藏，《方志聯目》著錄。②清鈔本，山東博藏，《方志聯目》著錄。

【樂安縣志】

六〇二一

李舜臣撰。舜臣有《愚谷易解》，見經部易類。《愚谷集》載邑志自序，末云：「邑令邢臺王子以乙巳春至，忽覽